

տուեթեան. ոչ ի բնագրէն, այլ միայն գրեալ ինչ, յորմէ լինելոցն էր բնագիրն : Գտանի ի Լէօպօլտի թուղթ սորին առ Լէօպօլտեցիս, ի Կամէնիցու յղեալ. բայց զթիֆն ոչ գտաք. աստէն զՄեսրոպն եդաք: Յետ սոցա պարսպ մնաց աթոռն մինչև ցՏէր Նիկողայոսն :

1607. ՌԾԶ. Կարապետ արքեպիսկոպոսն մեր մեռանի : — Եզոռ :

1609. ՌԾԸ. Պարոն Միխնոյ Կամէնիցու երեսփոխանն՝ որ զեկեղեցին Ս. Նիկողայոսի նորոգեաց, և զհրաշարի պաղատն իւր քարաշէն ի դէմ նորա շինեաց, անգաւակ մեռաւ :

1621. ՌՀ. Եազուլցայու Աստուածածնի և վանքն Ս. Գրիգորի Լուսաւորչին՝ յայսմ ամի կատարեցաւ, կամ վերստին նորոգեցաւ ի բարեպաշտից, իսկ մատուռն Աւետման՝ ի Պարոն Պօկտան Սբէնաովքիչէն, թվին Հայոց ՌՃԶ, 1657 : — Յիշատ :

1624. ՌՀԳ. Տէր Մեւքիսեթ կաթողիկոսն ընկղմեալ ի բազմութիւն պարստուց, որք մինչեւ ց' 600 թումանս, զՍահակ եպիսկոպոսն եղբօրորդին իւր՝ կաթողիկոս օրհնեաց. և ինքն աստ և անդ շրջելով ի ժողովել զգրամս, և ի բրբեւ անյոյս մնաց՝ զնաց ի Լեւհաստան :

1626. ՌՀԵ. Մեւքիսեթ կաթողիկոսն ժամանեալ ի Լեւհա՝ ի Լէօպօլտիս, և դտեալ զաթոռն պարսպ, ձեռնադրէ զարեղայ Տէր Նիկողայոսն թորոտովիչ՝ եպիսկոպոս Հայոց Լեւհացոց, և տայ նմա աննել զգաւանութիւն ուղղափառ հաւատոյ, ընդդէմ կամաց ժողովրդեանն, որ դեռ եւս հերձուածող էր : — Կրնտակ :

1627. ՌՀԶ. Յակոբ քահանայ Եւզոկիացի (Թօխաթեցի) եկեալ ի Լեւհաստան պանդխտական՝ ի քաղաքն Զամօսցայ գալով, զբովանդակ 150 Սաղմոսն Դաւթի՝ զեղեցիկ և քաղցր ոճով մեկնօրէն ոտանաւորս արար. նա և զբազում խօսս Ս. Գրիգորի Նարեկացոյն՝ տաղաչափականս շարադրեաց. այլ և զգունազան տաղս վասն կենաց մարդկան և զղմանն, և այլն, յայսմ ամի աւարտեաց. զայսոսիկ զորս առ ձեռս ունիմ :

Մեւքիսեթ կաթողիկոսն ի Լէօպօլտէ գայ յԵազուլցայ, ընդ իւր ուղեկից ունելով զՆիկողայոս արքեպիսկոպոս, որում տուեալ զգիր բանագրանաց, փետր. 15, ի վերայ Լէօպօլտեցոցն՝ դարձուցանէ յաթոռն. և ինքն շուէ ի Կամենից. ուր՝ մարտի 5, ձեռնադրէ եպիսկոպոս զթորոտ տրեղայն, երբեմն կանամբի, Կամէնցացի. աննէ զկտակ, մարտ 14, որով զաթոռն Էջմիածնի յանձնէ Իսահակ կաթողիկոսին՝ եղբօրորդոյ իւրում. վճարէ զկենսս իւր ի մարտի 18. և թաղի յորմն եկեղեցոյն Աւետման Ս. Աստուածածնին, զոր ինքն էր սրբագործեալ, ըստ կոնտակի իւրում :

Նիկողայոս արքեպիսկոպոսն զարձեալ ի Լէօպօլտիս, դաշամբք ձեռնադրաց